

摘藻堂四庫全書薈要

子部

欽定四庫全書薈要

子部

御定淵鑑類函卷一百五十六

欽定四庫全書薈要卷一萬一千六百四

子部

御定淵鑑類函卷一百五十六

禮儀部三

盟會

饗燕

盟會一

 壇盟割牲歃血以結信也春秋諸侯會盟割牲歃血主

盟者執牛耳掘坎埋牲加載書而堙之言使背盟者如

此牛也

正字通

原周官司盟凡邦國有疑會同則掌其

盟約之載及其禮儀北面詔明神既盟則貳之盟萬民

之犯命者詛其不信者亦如之有獄訟者則使之盟詛
凡盟詛各以其地域之衆庶供其牲而致焉 增周禮
時見曰會 又大行人職時會以發四方之禁 原尚
書曰惟十三年大會於孟津王曰我友邦冢君越我御
事庶士明聽誓今商王受弗敬上天降災下民沈湎冒
色敢行暴虐罪人以族官人以世惟宮室臺榭陂池侈
服以殘害於爾萬姓皇天震怒命我文考肅將天威大
勲未集肆予小子發以爾友邦冢君觀政于商同力度

德同德度義受有臣億萬惟億萬心予有臣三千惟一

心商罪貫盈天命誅之予弗順天厥罪惟鈞爾尚弼予

一人永清四海 又曰時厥明王乃大巡六師明誓衆

士王曰嗚呼我西土君子今商王受狎侮五常荒怠不

敬自絕於天結怨於民斲朝涉之脛剖賢人之心作威

殺戮毒痛四海崇信姦回放黜師保屏棄典刑囚奴正

士郊社不修宗廟不享作奇技淫巧以悅婦人爾其攷

攷奉予一人恭行天罰 增尚書甘誓曰大戰於甘乃

召六卿王曰嗟六事之人予誓告汝有扈氏威侮五行
怠棄三正天用勦絕其命今予惟恭行天之罰左不攻
于左汝不恭命右不攻於右汝不恭命御非其馬之正
汝不恭命用命賞於祖不用命戮於社予則孥戮汝

又泰誓王乃徇師而誓曰嗚呼西土有衆咸聽朕言予
有亂臣十人同心同德雖有周親不如仁人 原左傳
曰晉侯獻楚俘於王王子虎盟諸侯於王庭要言曰皆
獎王室無相害也有渝此盟明神殛之俾隊其師無克

祚國及其玄孫無有老幼君子謂是盟也信 又曰晉

人復衛侯甯武子與衛人盟於宛濮曰天禍衛國君臣
不協以及此憂也今天誘其衷使皆降心以相從也不
有居者誰守社稷不有行者誰扞牧圉不協之故用昭
乞盟於爾大神自今日以往行者無保其力居者無懼
其罪有淪此盟明神先君是糾是殛國人聞此盟也而
後不貳 又曰楚子圍鄭鄭伯肉袒牽羊以迎楚王曰
其君能下人必能信用其民矣退三十里而許之平潘

廷入盟子良出質

又曰楚子圖宋宋人懼使華元夜

入楚師登子反之牀起之曰寡君使元以病告曰敝邑

易子而食析骸以爨雖然城下之盟有以國斃不能從

也去我三十里唯命是聽子反懼與之盟而告王退三

十里 又曰諸侯伐鄭同盟於亳載書曰凡我同盟無

蘊年無壅利無保姦無留隱救災患恤禍亂同好惡獎

王室或簡茲命司慎司盟名山大川羣神羣祀先王先

公七姓十二國之祖明神殛之俾失其民墜命亡氏陪

其國家 增左傳曰陳五父如鄭莊盟歆如忘薛伯曰

五父必不免不賴盟矣 又子犯以璧授公子曰臣負

羈紲從君巡於天下臣之罪多矣請由此亡公子曰所

不與舅氏同心者有如白水投其璧於河 又晉士燮

會楚公子罷許偃盟於宋西門之外曰凡晉楚無相加

戎好惡同之同恤災危脩救凶患交贄往來道路無壅

謀其不協而討不庭有渝此盟無克胙國 又鄭大夫

盟于伯有氏裨諶曰是盟也其與幾何言不能久也 詩曰君

子屢盟亂是用長 又諸侯伐鄭師于汜令於諸侯曰

脩器備盛餼糧歸老幼居疾於虎牢肆青園鄭鄭人恐
乃行成十一月己亥同盟于戲鄭服也將盟鄭六卿公
子駢公子發公子嘉公孫輒公孫蔓公孫舍之及其大
夫門子皆從鄭伯晉士莊子爲載書曰自今日既盟之
後鄭國而不唯晉命是聽而或有異志者有如此盟公
子駢趨進曰天禍鄭國使介居二大國之間大國不加
德音而亂以要之使其鬼神不獲歆其禋祀其民人不

獲享其土利夫婦辛苦墊隘無所底告自今日既盟之後鄭國而不惟有禮與彊可以庇民者是從而敢有異志者亦如之荀偃曰改載書公孫舍之曰昭大神要言焉若可改也大國亦可叛也知武子謂獻子曰我實不德而要人以盟豈禮也哉非禮何以主盟乃盟而還宋向戌善於趙文子又善於令尹子木欲弭諸侯之兵以爲名如晉告趙孟晉人許之如楚楚亦許之如齊齊人難之陳文子曰晉楚許之我焉得已齊人許之告于

秦秦亦許之皆告於小國為會于宋將盟於宋西門之外楚人衷甲伯州犂曰合諸侯之師以為不信無乃不可乎固請釋甲季武子使謂叔孫以公命曰視邾滕既而齊人請邾宋人請滕皆不與盟叔孫曰邾滕人之私也我列國也何故視之宋衛吾匹也乃盟晉楚爭先晉人曰晉固為諸侯盟主未有先晉者也楚人曰子言晉楚匹也若晉常先是楚弱也且晉楚狎主諸侯之盟也久矣豈專在晉叔向謂趙孟曰諸侯歸晉之德只非歸

其尸盟也子務德無爭先且諸侯盟小國固必有尸盟者楚爲晉細不亦可乎乃先楚人書先晉晉有信也晉荀盈遂如楚泣盟又會于號尋宋之盟也祁午謂趙文子曰宋之盟楚人得志於晉晉之恥也子相晉國以爲盟主於今七年矣再合諸侯三合大夫服齊狄寧東夏平秦亂城淳于師徒不頓國家不罷民無謗讟諸侯無怨天無大災子之力也有令名矣而終之以恥午也是懼吾子其不可以不戒文子曰武將信以爲本循而

行之譬如農夫是穠是蓂雖有饑饉必有豐年且吾聞之能信不為人下吾不能是難楚不為患楚令尹圍請用牲讀舊書加于牲上而已晉人許之又楚子合諸

侯於申椒舉言于楚子曰臣聞諸侯無歸禮以為歸今君始得諸侯其慎禮矣霸之濟否在此會也夏啟有鈞臺之享商湯有景亳之命周武有孟津之誓成有岐陽之蒐康有鄴宮之朝穆有塗山之會齊桓有召陵之師晉文有踐土之盟君其何用宋向戌鄭公孫僑在諸侯

之良也君其選焉王曰吾用齊桓王使問禮于左師與
子產左師曰小國習之大國用之敢不薦聞獻公合諸
侯之禮六子產曰小國共職敢不薦守獻伯子男會公
之禮六君子謂合左師善守先代子產善相小國王使
椒舉侍於後以規過卒事不規王問其故對曰禮吾未
見者有六焉又何以規 又晉成虎祈諸侯朝而歸者
皆有貳心為取鄭故晉將以諸侯來討叔向曰諸侯不
可以不示威乃並徵會告于吳秋晉侯會吳子于良水

道不可吳子辭乃還七月丙寅治兵于邾南甲車四千
乘羊舌鮒攝司馬遂合諸侯于平丘子產子太叔相鄭
伯以會子產以幄幕九張行子太叔以四十既而悔之
每舍損焉及會亦如之次於衛地叔鮒求貸於衛淫芻
蕘者衛人使屠伯饋叔向羹與一簋錦曰諸侯事晉未
敢攜貳况衛在君之宇下而敢有異志芻蕘者異於他
日敢請之叔向受羹反錦曰晉有羊舌鮒者瀆貸無厭
亦將及矣為此役也子若以君命賜之其已容從之未

退而禁之晉人將尋盟齊人不可晉侯使叔向告劉獻

公曰抑齊人不盟若之何對曰盟以底信君苟有信諸

侯不貳何患焉告之以文辭董之以武師雖齊不許君

庸多矣天子之老請帥王賦元戎十乘以先啟行遲速

惟命叔向告於齊曰諸侯求盟已在此矣今君弗利寡

君以為請對曰諸侯討貳則有尋盟若皆用命何盟之

尋叔向曰國家之敗有事而無業事則不經有業而無

禮經則不序有禮而無威序則不共有威而不昭共則

不明不明棄共百事不終所由傾覆也是故明王之制

使諸侯歲聘以志業間朝以講禮再朝而會以示威再會而盟以顯昭明志業於好講禮於等示威於衆昭明於神自古以來未之或失也存亡之道恒由是興晉禮主盟懼有不治奉承齊犧而布諸君求終事也君曰余必廢之何齊之有惟君圖之寡君聞命矣齊人懼對曰小國言之大國制之敢不聽從既聞命矣敬共以往遲速惟君叔向曰諸侯有間矣不可以不示衆八月辛未

治兵建而不旆壬申復旆之諸侯畏之又甲戌同盟于平丘齊服也令諸侯日中造于除癸酉退朝子產命外僕速張于除子太叔止之使待明日及夕子產聞其未張也使速往乃無所張矣及盟子產爭承曰昔天子班貢輕重以列列尊貢重周之制也卑而貢重者甸服也鄭伯男也而使從公侯之貢懼弗給也敢以為請諸侯靖兵好以為事行理之命無月不至貢之無藝小國有闕所以得罪也諸侯脩盟存小國也貢獻無極亡可

待也存亡之制將在今矣自日中以爭至於昏晉人許之劉文公合諸侯于召陵謀伐楚也將會衛子行敬子言于靈公曰會同難嘖有煩言莫之治也其使祝鮀從公曰善乃使子魚子魚辭曰臣展四體以率舊職猶懼不給而煩刑書若又共二徼大罪也且夫祝社稷之常隸也社稷不動祝不出境官之制也君以軍行祓社釁鼓祝奉以從於是乎出竟若嘉好之事君行師從卿行旅從臣無事焉公曰行也及臯鼬將長蔡于衛衛侯

使祝鮀私於萇弘曰聞諸道路不知信否若聞蔡將先
衛信乎萇弘曰信蔡叔康叔之兄也先衛不亦可乎子
魚曰以先王觀之則尚德也昔武王克商成王定之選
建明德以藩屏周故周公相王室以尹天下於周為睦
分魯公以大路大旂夏后氏之璜封父之繁弱殷民六
族條氏徐氏蕭氏索氏長勺氏尾勺氏使帥其宗氏輯
其分族將其類醜以法則周公用即命于周是使之職
事於魯以昭周公之明德分之土田陪敦祝宗卜史備

物典策官司彝器因商奄之民命以伯禽而封於少皞之虛分康叔以大路少帛綉蒺旃旌大呂殷民七族陶氏施氏繁氏錡氏樊氏饑氏終葵氏封畛土略自武父以南及圃田之北竟取于有閭之土以共王職取於相土之東都以會王之東蒐聃季授土陶叔授民命以康誥而封於殷虛皆啟以商政疆以周索分唐叔以大路密須之鼓闕鞏姑洗懷姓九宗職官五正命以唐誥而封於夏虛啟以夏政疆以戎索三者皆叔也而有令德

故昭之以分物不然文武成康之伯猶多而不獲是分也唯不尚年也管蔡啟商基間王室王於是乎殺管叔而蔡蔡叔以車七乘徒七十人其子蔡仲改行帥德周公舉之以為已卿士見諸王而命之以蔡其命書云王曰胡爾無若爾考之違王命也若之何其使蔡先衛也武王之母弟八人周公為太宰康叔為司寇聃季為司空五叔無官豈尚年哉曹文之昭也晉武之穆也曹為伯甸非尚年也今將尚之是反先王也晉文公為踐土

之盟衛成公不在夷叔其母弟也猶先蔡其載書云王若曰晉重魯申衛武蔡甲午鄭捷齊潘宋王臣莒期藏在周府可覆視也吾子欲復文武之略而不正其德將如之何長弘說告劉子與范獻子謀之乃長衛侯於盟又定公會齊侯於祝其夾谷孔丘相犁彌言於齊侯曰孔丘知禮而無勇若使萊人以兵劫魯侯必得志焉齊侯從之孔丘以公退曰士兵之兩君合好而裔夷之俘以兵亂之非齊君所以命諸侯也裔不謀夏夷不

亂華俘不干盟兵不逼好於神為不祥於德為愆義於
人為失禮君必不然齊侯聞之遽辟之將盟齊人加于
載書曰齊師出竟而不以甲車三百乘從我者有如此
盟孔丘使茲無還揖對曰而不反我汶陽之田吾以共
命者亦如之齊侯將享公孔丘謂梁丘據曰齊魯之故
吾子何不聞焉事既成矣而又享之是勤執事也且犧
象不出門嘉樂不野合饗而既具是棄禮也若其不具
用秕稗也用秕稗君辱棄禮名惡子盍圖之夫享所以

昭德也不昭不如其已也乃不果享齊人來歸鄆謹龜
陰之田 又魯哀公會吳于橐臯吳子使太宰嚭請尋
盟公不欲使子貢對曰盟所以周信也故心以制之玉
帛以奉之言以結之明神以要之寡君以為苟有盟焉
弗可改也已若猶可改日盟何益今吾子曰必尋盟若
可尋也亦可寒也乃不尋盟 又吳徵會于衛初衛人
殺吳行人且姚而懼謀於行人子羽子羽曰吳方無道
無乃辱吾君不如止也子木曰吳方無道國無道必棄

疾於人吳雖無道猶足以患衛往也長木之斃無不標也國狗之瘞無不噬也而況大國乎秋衛侯會吳于鄖公及衛侯宋皇瑗盟而卒辭吳盟吳人藩衛侯之舍子服景伯謂子貢曰夫諸侯之會事既畢矣侯伯致禮地主歸餼以相辭也今吳不行禮於衛而藩其君舍以難之子盍見太宰乃請束錦以行語及衛故太宰詬說乃舍衛侯又小邾射以句繹來奔曰使季路要我吾無盟矣使季路子路辭季康子使冉有謂之曰千乘之國

不信其盟而信子之言子何辱焉 國語晉文公合諸
侯而盟曰吾聞國之昏不由聲色必由姦利好樂聲色
者淫也貪姦者惑也夫淫惑之國不亡必殘自今以來
無以美妾疑妻無以聲樂妨正無以姦情害公無以貨
利示下其有之者是謂伐其根素流於華葉若此者有
患無憂有寇勿弭不如言者盟示之於是君子聞之曰
文公其知道乎其不王者由無佐也 又吳王夫差既
殺申胥不稔於歲乃起師北征闕為深溝通齊魯之間

北屬之沂西屬之濟以會晉公午於黃池於是越王句
踐乃命范蠡舌庸率師泅海沂淮以絕吳路敗王子友
於姑熊夷越王句踐乃率中軍沂江以襲吳入其郛焚
其姑蘇徙其大舟吳晉爭長未成邊遽乃至以越亂告
吳王懼乃合大夫而謀曰越為不道背其齊盟今吾道
路悠遠無會而歸與會而先晉孰利王孫雄曰必會而
先之吳王昏乃戒令秣馬食士夜中乃令服兵擐甲係
馬舌出火竈陳士卒百人以為徹行百行為萬人以為

方陳皆白常白旂素車白羽之矦望之如荼王親秉鉞
載白旂以中陳而立左軍亦如之皆赤常赤旗丹甲朱
羽之矦望之如火右軍亦如之皆玄常玄旗黑甲烏羽
之矦望之如墨為帶甲三萬以勢攻雞鳴乃定既陳去
晉軍一里昧明王乃秉枹親就鳴鐘鼓丁寧鐔于振鐸
勇怯盡應三軍皆譁鉦以振旅其聲動天地晉師大駭
不出周軍飭壘乃令董褐請事既致命乃告諸趙鞅曰
臣觀吳王之色類有大憂小則嬖妾嫡子死不則國有

大難大則越入吳將毒不可與戰主其許之先無以待
危然而不可徒許也趙鞅許諾乃令董褐復命曰昔命
主有命固曰吳伯不曰吳王諸侯是以敢辭夫諸侯無
二君而周無二王君若無卑天子以干其不祥而曰吳
公孤敢不順從君命吳王許諾乃退就幕而會吳公先
歆晉侯亞之公羊傳曰莊公會齊侯盟于柯曹子曰
君之意何如莊公曰寡人之生則不若死矣曹子曰然
則君請當其君臣請當其臣莊公曰諾於是會桓公莊

公升壇曹子手劍而從之管子進曰君何求曹子曰城
環厭竟君不圖歟願請汶陽之田管子顧曰君其許諾
桓公曰諾已盟曹子標劍而去之要盟可犯而桓公不
欺曹子可讐而桓公不怨桓公之信著乎天下自柯之
盟始焉 史記曰秦王使使告趙王欲與王為好會於
西河外澠池趙王畏秦欲毋行廉頗藺相如計曰王不
行示趙弱且怯也趙王遂行相如從廉頗送至境與王
訣曰王行度道里會遇之禮畢還不過三十日三十日

不還則請立太子為王以絕秦望王許之遂與秦王會
渑池秦王飲酒酣曰寡人竊聞趙王好音請奏瑟趙王
鼓瑟秦御史前書曰某年月日秦王與趙王會飲令趙
王鼓瑟藺相如前曰趙王竊聞秦王善為秦聲請奉盆
甌秦王以相娛樂秦王怒不許於是相如前進甌因跪
請秦王秦王不肯擊甌相如曰五步之內相如請得以
頸血濺大王矣左右欲刃相如相如張目叱之左右皆
靡於是秦王不憚為一擊甌相如顧召趙御史書曰某

年月日秦王為趙王擊瓠秦之羣臣曰請以趙十五城
為秦王壽藺相如亦曰請以秦之咸陽為趙王壽秦王
竟酒終不能加勝于趙趙亦盛設兵以待秦秦不敢動
穀梁傳曰葵丘之盟束牲而不殺讀書加于牲上曰
毋雍泉毋訖糴毋易樹子毋以妾為妻毋使婦人與國
事又溴梁之會諸侯失政矣諸侯會而曰大夫盟政
在大夫也諸侯在而不曰諸侯之大夫大夫不臣也
三禮圖曰方盟木方四尺設六色東青西白南赤北黑

上玄下黃設六玉上圭下璧南方璋西方琥北方璜東方珪方盟者上下四方之神明天之司盟 原史記曰吳起東遊衛郭門與其母訣齧指而盟曰起不為卿相不復入衛 增又曰秦之圍邯鄲趙使平原君求救於楚門下有毛遂者前自贊於平原君曰願君以遂備員而行平原君曰夫賢士之處世也若錐處囊中其末立見今先生處勝之門下三年於此矣左右未有所稱先生不能遂曰臣乃今日請處囊中耳使遂早得處囊中

乃脫穎而出非特其末見而已平原君與楚合從言其利害日出而言之日中不沒遂按劍歷階而上曰從之利害兩言而沒耳今日出而言日中不沒何也楚王叱曰胡不下遂按劍而前曰今十步之中王不得恃楚國之衆王之命懸于遂今楚地五千里持戟百萬此伯王之資也白起小豎子耳率數百萬之衆一戰而舉鄢郢再戰而燒夷陵三戰而辱王之先人此百世之怨而趙之所羞而王弗知惡焉合從者為楚非為趙也楚王曰

謹奉社稷而從遂奉銅盤而跪進之遂定從於殿上

原漢書曰高后立諸呂為王王陵曰高皇帝刑白馬而盟非劉氏而王者天下共擊之今王呂氏非約也 增

魏志曰臧洪字子原廣陵射陽人也太守張超請洪為功曹與西至陳留見兄邈計事邈與語大奇之又致之於劉兗州公山孔豫州公緒乃設壇場方共盟誓諸州郡相讓乃共推洪洪乃升壇操盤歃血而盟 原晉書

曰祖逖字士雅范陽道人元帝以逖為奮威將軍豫

州刺史渡江中流誓曰祖逖不清中原而復濟者有如
大江 晉王羲之為會稽內史稱疾去郡于父墓自誓
曰羲之不天夙遭閔凶遂因人乏蒙國寵榮每仰詠老
氏周任之戒常恐斯亡無日是用寤寐永歎若墜深谷
止足之分定之于今謹以今月吉辰告誓先靈自今之
後敢渝此心貪冒苟進是有無尊之心而不予也子而
不予天地所不覆載名教所不得容信誓之誠有如皎
日 增孫卿子曰盟詛不及五帝誓誥不及三王交質

不及五伯 鄭思肖曰臣子盟檄何義臣不敢忘君子

不敢忘父誓吾心不變曰盟勸國人忠曰檄 晏子春

秋曰崔杼弑莊公盟于國者戰鈞其頸劍承其心晏子
不與盟而出上車其僕將馳晏子撫其手曰鹿生于山
命懸于厨命有所懸矣成節而去

盟會二

原泣牲

曲禮約信曰誓泣牲曰盟鄭注泣
臨也坎用牲臨而讀其盟書也

陳牲

齊語桓公

與諸侯飾牲為載以約誓於上下庶神賈逵注
飾牲陳其牲為載書加於牲上而已不歃血也

周信

詳盟

結信

吳語越王使諸稽郢行成將盟諸稽郢辭曰以盟為有益乎前盟口血未乾足以結

信矣以盟為無益乎君王舍甲兵之威以臨使之而胡重於鬼神而自輕也吳王乃許之荒成不盟注曰荒空

也

崇德

左傳管仲言於齊侯曰夫合諸侯以崇德也

禮義無國不記記姦之位君盟替矣作而不記非盛德也

命政

周禮大行人殷同

注殷同即殷見也王不巡狩則殷同殷同者六服盡朝既朝王亦命為壇於國外合諸侯而命其政

載

書

詳盟

埋書

左傳宋寺人柳有寵太子佐惡之華合比曰我殺之柳聞之乃坎用牲埋書而

告公曰合比將納亡人之族既盟于北郭矣公使視之有焉

掌盟法

周禮司盟掌

作盟辭

又曰詛祝作盟詛之載辭以叙國之信用以質邦國之劑信鄭注載辭為辭而載之于策

坎用牲加書于其上

禮之經

左傳會于商任錮樂氏也齊侯衛侯不敬叔向曰二君者必不免朝

禮之經也禮政之與也政身之守也怠禮失政是以亂也

信之要

魯語子服惠伯見韓宣子曰與

大國盟信之要也晉為盟主是主信也若盟而棄諸信已闕矣

通上下

周禮大祝作六辭以通上

下親踈遠近一曰祠二曰命三曰誥四曰會五曰禱六曰誅鄭注祠當為辭謂辭令也會謂王官之伯命事于

會

著昭明

左傳詳盟一

割牛耳

周禮玉府若合諸侯則共珠槃玉敦案鄭注敦

槃類珠玉以為飾古者以槃盛血以敦盛食合諸侯者必割牛耳取其血歃之以盟珠槃以盛牛耳凡尸盟者

執牛耳

左傳晉師將盟衛侯于鄆澤趙簡子曰羣臣誰敢盟衛君者涉佗成何曰我能盟之

衛人請執牛耳成何曰衛焉得視諸侯將歃涉佗拔衛侯之手及腕注盟禮尊者執牛耳

衛社稷

又齊高厚相太子光以先會諸侯于鍾離不敬士莊子曰高子相太子以會諸侯將社稷是衛而皆不敬棄社稷也其將謀王室以又夏會于黃父謀王室也杜注不免乎

討不庭

詳盟

詛不信

周禮詳

犯不善

左傳孔子曰

不逼好於神為不祥杜注

背不祥

又劉康公徼戎將

盟將告神犯之為不善也

背不祥

遂伐之叔服曰背

盟而欺大國此必敗背盟不祥欺

祈明神

周禮司盟

司盟共祈酒脯鄭注使出酒脯司

主諸侯

左傳趙文

盟為之祈明神使不信者必凶

于晉侯曰晉為盟主諸侯或相侵也則討而使歸其地

今烏餘之邑皆討類也而貪之是無以為盟主也請歸

之賦既醉

又楚遠罷如晉泣盟晉侯享之將出賦既

醉叔向曰遠氏之有後于楚國也宜哉承

君命不忘敏子蕩將知政矣敏以事君必能養民政其焉往杜注既醉詩大雅也既醉以酒既飽以德君子萬

年介以景福以晉

賦角弓

又晉侯使韓宣子來聘公享之韓子賦角弓季武子

侯比之君子也

拜曰敢拜子之彌縫敝邑寡君有望矣注角弓詩小雅兄弟婚姻無胥遠矣言兄弟之國宜相親也

吳

晉爭長

詳盟

晉楚爭盟

左傳臧宣叔令脩賦繕完具守備曰齊楚結好我與晉盟

晉楚爭盟齊師必至雖晉人伐齊楚必救之是齊楚同我也知難而有備乃可以逞

師徒不煩

詳盟

煩言莫治

詳盟

豈敢背之

左傳楚子伐鄭子駟將及楚平子孔

子矯曰與大國盟口血未乾而背之可乎子駟曰吾盟固云惟強是從今楚師至晉不我救則楚強矣盟誓之言豈敢背之且要盟無質神弗臨也所臨惟信信者言之瑞也善之主也是故臨之明神不蠲要盟背之可也

吾無盟矣

詳盟一

丹書白馬

漢書黃河如帶泰山如礪國以永存爰及苗裔

申以丹書之信重以白馬之盟

珠槃玉敦

詳割牛耳注

持職從事

曲禮史載

筆鄭注謂從于會同各持其職以待事

有禮庇民

詳盟一

桎梏再重

周禮

掌舍掌王之會同之舍桎梏再重案鄭注桎梏謂行馬再重者以周衛有外內列

設表為位

左傳單子會韓子于戚視下言徐叔向曰單子其將死乎朝有著定會有表朝會之言必聞于表著之位杜預注著定朝內列常處謂之表著者也野會設表以為位也

兵車之屬

齊語桓公朝諸侯于陽穀

兵車之屬六乘車之會三注屬會也

衣裳之會

公羊傳齊桓公衣裳之會三兵車之會六也

恤病討貳

左傳晉原穀宋華椒衛孔達曹人同盟于清丘曰恤病討貳于是卿不書不實其言

也杜注宋伐陳衛救之不討貳也楚伐宋晉不救不恤病也

恤苗救凶

詳盟一

大

無侵小

又諸侯盟于督揚曰大毋侵小

夷不亂華

詳盟一

盟會三

原文吳孫權與蜀盟文曰天降喪亂皇綱失叙逆臣乘
釁劫奪國柄始於董卓終於曹操九州輻裂普天無繼
及曹丕偷取天位而子叡么麼尋亦凶逆昔共工亂象
而高辛行師三苗干度而虞舜征焉今日滅叡擒其徒
黨非漢與吳將復誰在建大事必先盟誓漢之與吳雖

信由中然分土列境宜立盟約使東西士民咸共聞知
既盟之後戮力一心同討魏賊救危恤患分灾共慶各
守分土無相侵犯傳之後葉克終若始有渝此盟創禍
先亂俾墜其師無克祚國 晉劉琨與段匹磾盟文曰
天不靖晉難集上邦四方豪傑是焉扇動乃憑陵於諸
夏俾天子播越震蕩罔有攸底二鹵交侵區夏將泯神
人之主蒼生無歸百罹備臻死喪相枕肌膚潤於鋒鏑
骸骨曝於草莽千里無煙火之廬列城有兵曠之邑茲

所以痛心疾首仰訴皇穹者也臣琨蒙國寵靈叨竊台
岳臣殫世效忠節忝荷公輔大懼醜類猾夏王旅隕首
喪元盡其臣禮古先哲王貽厥後訓所以翼戴天子敦
序同好者莫不臨之以明神結之以盟誓故齊桓會於
召陵而羣后加恭晉文盟於踐土而諸侯茲順而臣等
介在遐鄙而與主相去迥遼是以敢干先典刑牲歆盟
自今日既盟之後皆盡忠竭節以剪夷二寇有加難於
琨殫必救加難於殫琨亦如之繾綣齊契披布胸懷書

功金石藏於王府有渝此盟亡其宗族俾墜軍旅無其遺育 晉庾闡為郗車騎討蘇峻盟文曰賊臣祖約蘇峻不恭天命不畏王誅凶戾肆逆干國之紀稱兵攻宮焚掠宗廟遂乃制脅幼主有無君之心大行皇太后以憂厄崩殂殘害忠良禍虐烝民窮凶極暴毒流四海是以率土怨酷兆庶泣血咸願奉辭伐罪以除元惡今主上幽危百姓倒懸忠臣烈士志在死國既盟之後戮力一心共剪醜類殞首喪元以救社稷若二寇不梟無望

偷安當令生者不食今誓死者無媿黃泉 陳沈炯為
陳武帝與王僧辯盟文曰侯景戎羯小醜逆天無狀背
我恩義破我國家毒我生民改移我廟社誅鋤我郡縣
割裂我宗姻我高祖靈聖聰明光宅天下劬勞兆庶亭
育萬民哀景以窮見歸全景將戮之首授景要害之地
崇景非次之榮於景何怨而景長戟強弩陵蹙朝廷剗
肝斷趾不厭其快高祖菜食卑宮春秋九十屈意凝威
憤終寇手大行皇帝溫嚴恭默不守鴻名於景何有復

加忍毒豈有率土之濱忍聞此痛僧辯等荷相國湘東王泣血銜冤之寄摩頂至踵之恩能不瀝膽抽腸共誅姦逆協和將帥同心共契必誅凶豎尊奉湘東王嗣膺鴻業以主郊祀若一相欺負一相違戾天地宗廟是譴是詰

饗燕一

原周官曰以饗燕之禮親四方之賓客 毛詩曰鹿鳴燕羣臣嘉賓也棠棣燕兄弟也湛露天子燕諸侯也

又曰伐木燕朋友故舊也自天子至于庶人未有不須
友以成也親親以睦友賢不棄故舊不遺則民德歸厚
矣韓詩不脫履而即席謂之禮跣而上坐謂之燕能
飲者飲不能飲者已謂之醺閉門不出謂之酒禮記
曰奠酬而工升歌發德也註云以詩之義明賓主之禮
又曰諸侯宴禮俎豆牲醴薦羞皆有等差所以明貴
賤也增禮燕義曰諸侯燕禮之義君立阼階之東南
南鄉爾卿大夫皆少進定位也君席阼階之上居主位

也君獨升立席上西面特立莫敢敵之義也 周禮曰

大行人掌大賓之禮上公饗禮九獻食禮九舉出入五

積三問三勞諸侯饗禮七獻食禮七舉出入四積再問

再勞諸伯如侯禮諸子饗禮五獻食禮五舉出入三積

一問一勞諸男如子禮大國之孤執皮帛以繼小國之

君出入三積不問一勞 又司儀王燕則諸侯毛朝事尊尊

上爵燕則親親上齒 又樂師饗食諸侯序其樂事 又鐘師凡

祭祀饗食奏燕樂 又外饗邦饗耆老孤子則掌其割

烹之事饗士庶子亦如之 又酒正共賓客之禮酒凡

饗士庶子饗耆老孤子皆共其酒無酌數 儀禮燕禮

工歌鹿鳴四牡皇皇者華笙入立於縣中奏南陔白華

華黍乃間歌魚麗笙由庚歌南有嘉魚笙崇丘歌南山

有臺笙由儀遂歌鄉樂周南關雎葛覃卷耳召南鵲巢

采芣采蘋大師告樂正曰正歌備奏陔遂出以樂納賓

則賓及庭奏肆夏公拜受爵而奏肆夏升歌鹿鳴下管

新宮笙入三成遂合鄉樂若舞則勺有房中之樂 原

左傳衛甯武子來聘公與之宴為賦湛露及彤弓不辭
又不荅賦使行人私焉曰臣以為肄業及之也昔諸侯
朝正于王王宴樂之於是乎賦湛露諸侯敵王所愾而
獻其功於是乎賜之彤弓一彤矢百旅弓矢千以覺報
宴今陪臣來繼舊好具敢干大禮以自取戾 又曰衛
侯宴苦成叔甯惠子相苦成叔傲甯子曰苦成叔家其
亡乎古為饗食也以觀威儀省禍福今夫子傲取禍之
道也 增莊公十八年春虢公晉侯朝王王饗醴命之

宥皆賜玉五穀馬三匹非禮也王命諸侯名位不同禮亦異數國語晉隨會聘於周定王饗之殺烝范子私

於原公曰此何禮也王召士季曰子弗聞乎禘郊之事

則有全烝王公立飫則有房烝即享禮也親戚宴饗則有殽

烝今叔父使士季實來唯是先王之燕禮欲以貽女余

一人敢設飫禘焉且唯戎翟則有體薦坐諸門外而使

舌人體委與之象胥之官也今王室之一二兄弟以時相見

將和協典禮以示民訓則亦無遜其馨香擇其柔嘉潔

其酒醴品其百籩脩其簋簠奉其犧象出其尊彝陳其
鼎俎靜其中冪敬其祓除體解折節而共飲食之於是
有折俎加豆酬幣宴貨以示容合好歲飫不倦時宴不
淫月會旬脩日全不忘古之善禮者將焉用全魯
語叔孫穆子聘於晉晉悼公饗之樂及鹿鳴之三而後
再拜三晉侯使行人問焉對曰夫先樂金奏肆夏繁遏
渠天子所以饗元侯也歌文王大明縣則兩君相見之
樂也皆非使臣所敢與聞也晉語公子如楚楚成王

以周禮享之九獻庭實旅百 原帝王世紀曰堯見舜

于貳宮設饗禮迭為賓主 增漢書曰高祖五年夏六

月帝置酒雒陽南宮上曰通侯諸將毋敢隱朕吾所以

有天下者何高起王陵對曰陛下攻城略地所降者因

以與之與天下同利也上曰公知其一未知其二夫子

房蕭何韓信三者皆人傑吾能用之此吾所以取天下

者也羣臣悅服 原又高祖十二年上破布軍還過沛

留置酒沛宮悉召故人父老子弟佐酒發沛中兒得百

二十人教之歌酒酣上擊筑歌大風沛父老諸母故人
日樂飲極歡道舊故為笑樂十餘日上欲去沛父兄固
請上留止張

注張晏曰
張帷帳也

飲三日

增通典漢武帝雖用

夏正然每月朔朝至於十月朔猶常享會其儀夜漏未
盡七刻鐘鳴受賀及贄公侯璧二千石羔千石六百石
雁四百石以下雉百官賀正月二十石以上上殿稱萬
歲舉觴御坐前司空奉羹大司農奉飯奏食舉樂百官
受賜燕享大作樂 漢王尊傳正月行幸曲臺臨享罷

衛士 漢成帝紀鴻嘉二年三月博士行飲酒禮有雉

飛集於庭 漢王式傳江公為歌吹諸生曰歌驪駒注
如淳曰學官自有此法酒坐歌吹以相樂也 漢昭帝

紀元鳳二年夏四月上自建章宮徙未央宮大置酒賜
郎從官帛及宗室子錢人二十萬吏民獻牛酒者賜帛
人一匹 漢文帝初即位賜民爵一級女子百戶牛酒

酺五日

注文穎曰漢律三人以上無故羣飲罰金四兩
今詔酺賜得令會聚飲食五日也顏師古曰酺

布也王德布于天下 十六年九月令天下大酺景帝後
而合聚飲食為酺

元年夏大酺五日武帝元光二年九月令民大酺五日
元朔三年秋令民大酺五日元鼎元年夏五月大酺五
日太初二年三月祠后土令天下大酺五日太始三年
二月令天下大酺五日昭帝元鳳四年正月丁亥帝加
元服令天下酺五日宣帝五鳳三年三月鸞鳳集長樂
宮樹上飛下止地文章五色留十餘刻吏民並觀賜民
爵一級女子百戶牛酒大酺五日 原東觀漢記曰建
武三年幸春陵祠園廟大置酒與父老故人相樂十九

年幸汝南頓丘令舍大置酒賜吏民復南頓田租一年

增建武六年二月山東平諸將還京師置酒賞賜十

三年四月大司馬吳漢自蜀還京師大享將士班勞策

勲漢明帝永平二年十月有事十一陵會郡縣吏勞

賜作樂十年閏月幸南頓勞享三老官屬章帝建初

七年九月幸鄴勞享守令以下十月幸長安又幸長平

每所到幸輒會郡縣吏人勞賜作樂和帝永元十五

年十月戊申幸章陵癸丑會宗室於舊廬勞賜作樂

安帝延光三年二月辛卯柴岱宗癸巳勞賜郡縣作樂
十月丁亥會三輔守令掾史於長安作樂 順帝永和
二年十月丙午幸未央宮會守尉官屬勞賜 桓帝延
熹元年五月巳酉大會公卿以下賞賜有差 原魏志
曰文帝為魏王延康元年六月南征七月甲午軍次於
譙大享六軍及譙父老百姓於邑東明帝青龍二年八
月幸壽春巳未大耀兵享六軍 增晉書禮志曰漢儀
有正會禮正旦夜漏未盡七刻鐘鳴受賀公侯以下執

贄來庭二十石以上升殿稱萬歲然後作樂宴享魏武帝都鄴正會文昌殿用漢儀又設百華燈晉氏受命武帝更定元會儀咸寧注是也 晉起居注曰太常張華

正書按舊事拜公建始殿因以小會蓋所以崇宰輔也

宋書禮志曰正旦元會設白虎尊于殿庭尊蓋上施白虎東宮舊事曰正會儀太子着遠遊冠絳紗袍登輿至承華門前設位拜二傳二傳交拜禮畢不復登車太傅訓道少傅在後太子入崇賢門樂作太子登殿西向

坐 唐高祖武德三年四月壬戌秦王平并州悉復故
地帝大悅置酒含章殿宴羣臣極歡遣入御府賜繒綵
五月辛卯秦王凱旋獻捷太廟帝置酒高會六年丁酉
宴東征官僚奏九部樂帝親舉酒屬百官己酉大會東
征將事奏九部樂 開元二十三年正月乙亥耕藉田
都城酺三日上御五鳳樓酺宴 二十六年六月庚子
立忠王璵為太子七月己巳大赦賜民酺凡三日二十
七年二月己巳上尊號賜酺五日 玉海曰貞元四年

九月重陽節賜宰臣百寮宴於曲江亭帝賦詩錫之簡
文士應制上自考其詩以劉太真李紆等四人為上鮑
防于邵等四人為次張濛殷亮等二十三人為下李晟
馬燧李泌三宰相詩不加考第六年二月戊辰朔百官
以中和節宴曲江亭上賦詩以錫之三月庚子又宴九
年二月庚戌朔初以中和節賜宴錢給百僚十一年上
巳賜宴曲江十四年上巳賜宴時徐州節度使張建封
來朝上特令與宰相同榻而食元和二年上巳賜宴曲

江亭 貞元十二年二月己卯以寒食御麟德殿之東
亭內宴於宰臣位後施畫屏風圖漢名臣仍紀其嘉言

善行題於下宰臣各賜錦綵百銀瓶盤一具 十四年

二月戊午上御麟德殿宴文武百寮于東西廂初奏破

陳樂舞徧奏九部樂先是上製中和樂舞曲至是日奏

之上賦中春麟德殿會百寮觀新樂詩八韵令皇太子

書 詩云紫殿初筵列彤庭廣樂 興元元年七月壬午

張成功歸輔弼致政賴忠良

至京師帝既還宮每間日宴勲臣于麟德殿必親閱酒

饌盛陳音樂其所珍賜李晟首之渾瑊次之諸宰臣及
節將又次之貞元四年二月戊戌麟德殿觀宰臣晟燧
及諸將會鞠三月甲寅宴百寮於麟德殿設九部樂內
出舞馬帝製序及詩賜羣臣十三年二月丁巳朔賜宰
臣及兩省供奉官宴曲江又寒食宴宰相于麟德殿
元和十三年二月乙亥御麟德殿宴羣臣大合樂凡三
日頒賜有差十四年三月丁酉上以齊魯初平宴羣臣
于麟德殿賜物有差 元和十五年六月癸巳皇太后

歸興慶宮穆宗率六宮侍行遂合樂大宴 宋建隆元

年八月庚午宴近臣于廣德殿江南吳越朝貢使皆預

元年九月辛丑宴近臣于萬春殿後九日又宴于廣

德殿皆曲宴也凡曲宴無常惟上所命 太平興國二

年正月戊辰御講武殿試進士賜呂蒙正以下及第

始分

甲次庚午試諸科賜綵袍靴笏錫宴開寶寺為詩一章賜

之 唐時禮部放榜後醵飲曲江號聞喜宴五代多於

佛舍名園周顯德中官為主之上命中使典領供帳甚

盛三年九月甲申朔試進士加論一首自是以三題為
準賜胡旦以下及第又賜綠袍靴笏自此為定制乙酉
賜諸科及第始賜宴於迎春苑八年三月丙子賜王世
則等及第四月辛卯朔始就瓊林苑賜宴紹興十七年
十一月禮部侍郎周執羔請舉行舊制賜聞喜宴於禮
部貢院十八年六月三日就宴賜御書儒行篇 雍熙
元年十二月乙酉詔賜大酺三日二十一日丙申御丹
鳳樓觀酺召侍臣賜飲自樓前至朱雀門張樂召耆老

列坐樓下賜酒食二十二日丁酉賜羣臣宴於尚書省
作詩二首以賜羣臣獻歌詩賦頌者數十人並付史館
酺飲起自于秦秦法三人已上會飲則罰金故因事賜
酺吏民會飲遇則禁之魏晉以後無聞焉唐景雲開元
天寶間嘗舉行之至是
郊裡大慶故有是詔

景德四年二月己巳次西京

七日甲戌賜西京酺三日十七日甲申御五鳳樓觀酺
乙酉又御樓三日近臣預坐樓前設露臺奏教坊樂端
門內為山車二每車前後設樂凡四部旱船四每船設
樂一部凡六部樂作東西迭進召洛陽父老五百人坐

樓下賜飲 祥符四年三月十六日巳丑御五鳳樓觀
賜酺十八日復御樓觀酺庚寅作西京大酺七言詩二
首 祥符元年正月庚寅有司上都亭驛酺宴會圖二
首壬辰朔御乾元門觀酺召從臣與坐二年三月十六
日辛未御乾元樓觀酺壬申上作觀酺五言詩賜百官
四月癸巳晏殊獻大酺賦召學士院命為集賢校理四
年九月二十三日癸巳御乾元樓觀酺大合樂二十五
日乙未復賜酺宴百官於錫慶院宗室於相王宮作大

酺五言詩賜羣臣和丙申又作五言詩賜相王元偓以
下和六年二月六日戊辰御乾元樓觀酺己巳宴百官
于錫慶院帝作大酺七言詩羣臣皆和七年十一月十
日壬辰御乾元門觀酺者五日是日近臣咸與宴京畿
父老子樓下賜絛袍茶絹日有五色暈慶雲見癸巳帝
作七言詩羣臣咸和祥符元年二月丙申直史館陳
越上大酺頌集賢校理張象中秘閣校理劉子儀評事
宋綬並上大酺詩賦詔付史館祥符七年正月二十

日巳酉朝謁太清宮畢亳州應天府各賜酺三日賜亳州樓名曰奉元均慶應天府曰重熙頒慶二十三日庚

戌御奉元均慶樓觀酺從臣與坐宴父老于樓下設山

車百戲聽民縱觀二十四日辛亥復御樓賜宴帝作大

酺五言勸酒七言賜王旦等二十六日復觀酺二十九

日丙辰御重熙頒慶樓觀酺上作應天府駐蹕五七言

詩四首示近臣 天禧元年二月三日壬申御正陽門

即乾元觀酺大合樂癸酉宴百官于錫慶院帝作景靈門也

宮慶成賜酺七言詩賜之二年九月二十二日庚辰御
正陽門樓觀酺翌日宴百官宗室帝作大酺七言十韻
詩勸酒四韻詩分賜之壬午上御樓觀酺宴是日慶雲
見於樓上日生赤黃珥四年十月五日壬午正陽門觀
酺凡五日翌日癸未宴百官宗室帝作七言詩賜之五
年三月六日辛巳御正陽門觀酺皇太子近臣並與壬
午復御樓凡四日 元豐七年三月丁巳大燕羣臣於
集英殿皇子延安郡王年九歲立侍于御座之側左僕

射王珪率百官廷賀及升殿上命珪與王相見久之王
乃退王未出閣上特令侍宴以見羣臣 熙寧二年八

月四日以兩朝實錄成宴近臣于垂拱殿元豐五年七
月二十八日兩朝國史成宴垂拱殿 淳熙二年五月

辛卯賜輔臣宴於澄碧

在苑中

上曰朕嘗觀無逸篇真後

世龜鑑又語及君臣相遇之難又汎論用人不可分別
黨與須當盡公又朕常日所行乃執其兩端用其中於
民又曰今日所謂坐而論道豈不勝絲竹管絃葉衡等

各起謝 金史曲宴儀皇帝即御座鳴鞭報時畢殿前

班小起居到侍立位引臣寮并使客左入傍折通班至

丹墀舞蹈五拜不出班奏聖躬萬福又再拜出班謝宴

舞蹈五拜各上殿祇候分班預宴官上殿其餘臣寮右

出次引宋使從人入至丹墀再拜不出班奏聖躬萬福

又再拜有敕賜酒食又再拜引左廊立次引高麗夏從

人入分引左右廊立果床入進酒皇帝舉酒時上下侍

立官並再拜接盞畢候進酒官到位當坐者再拜坐即

行臣使酒傳宣立飲畢再拜坐次從人再拜坐至四盞
餅茶入致語聞鼓笛時揖臣使并人從立口號絕坐宴
并侍立官並再拜坐次從人再拜坐食入五盞歇宴教
坊謝恩畢揖臣使起果床出皇帝起入閣臣使下殿歸
幕次賜花人從隨出戴花畢先引人從入左右廊立次
引臣使入左右上殿位立皇帝出閣坐果床入坐立並
再拜坐次從人再拜坐九盞將曲終揖從人至位再拜
引出聞曲時揖臣使起再拜下殿果床出至丹墀謝宴

舞蹈五拜分引出 遼史曲宴宋使儀昧爽臣寮入朝

宋使至幕次皇帝升殿殿前教坊契丹文武班皆如初

見之儀宋使副綴翰林學士班東洞門入面西鞠躬舍

人鞠躬通文武百寮臣某以下起居七拜謝宣召赴宴

致詞訖舞蹈五拜畢贊各上殿祇候舍人引大臣使相

臣寮使副及方茵朶殿應坐臣寮並於西階上殿就位

立其餘不應坐臣寮並於西洞門出勾從人入起居謝

賜宴兩廊立如初見之儀二人監璫教坊再拜贊各上

殿祇候御牀入大臣進酒舍人閣使贊拜行酒皆如初
見之儀次行方茵朶殿臣僚酒傳宣飲盡如常儀殿上
酒一行畢兩廊從人行酒如初上殿行餅茶畢教坊致
語揖臣僚使副并廊下從人皆起立候口號絕揖臣僚
等皆鞠躬贊拜殿上應坐并侍立臣僚皆拜稱萬歲贊
各就坐次贊廊下從人拜亦如之歇宴揖臣僚起立御
床出皇帝起入閣引臣僚東西階下殿還幕次內賜花
承受官引從人出賜花亦如之簪花畢引從人復兩廊

位立次引臣僚使副兩洞門入復殿上位立皇帝出閣
復坐御床入揖應坐臣僚使副及侍立臣僚鞠躬贊拜
稱萬歲贊各就坐贊兩廊從人亦如之行單茶行酒行
膳行果殿上酒九行使相樂曲聲絕揖兩廊從人起贊
拜稱萬歲贊各好去承受引出曲破殿上臣僚使副皆
起立贊拜稱萬歲贊各祇候引臣僚使副東西階下殿
契丹班謝宴出漢人并使副班謝宴舞蹈五拜畢贊各
好去引出畢報閣門無事皇帝起 元史元正受朝儀

僧道耆老外國蕃客以次而賀禮畢大會諸王宗親駙
馬大臣宴饗殿上侍儀使引丞相等陞殿侍宴凡大宴
馬不過一羊雖多必以獸人所獻之鮮及脯鱸折其數
之半預宴之服衣服同制謂之質孫四品以上賜酒殿
上典引引五品以下賜酒于日精月華二門之下宴畢
鳴鞭三侍儀使導駕還寢殿如來儀

饗燕二

原賦湛露

歌大風

並詳饗一

洪恩

渥惠

上見荀勗從武帝華林園

宴詩

章秀宴曜武堂詩曰沐浴洪流飲服清

芳饌

芳將結

微根永晞朝陽恭承渥惠庶無怠荒

甘醴

潘尼詩聖朝命方岳爪牙同比鄰皇儲延篤愛設饌送遠賓誰應今日宴具惟廊廟臣置酒宣

猷庭擊鼓

靈沼濱羽觴飛醕醑芳饌羅奇珍

劉楨詩

昔我從元后整駕至南鄉

過彼豐沛都與君共翱翔衆

金罍

玉觴

賓會廣坐明燈熈炎光清歌製妙聲萬舞在中堂金罍含甘醴羽觴行無方

上詳甘醴注

華尊

羽爵

傅休奕詩鸞鳥晞鳳凰望舒繼白日千秋邁嘉

下見魏文帝詩

會來升君子室華尊享清醕珍肴目盈溢

魏文帝詩

良辰啟初節高構極歡娛通天拂景雲俯臨四達衢羽

爵浮象尊珍

布惠

發德

阮瑀詩陽春和氣動賢主以崇仁布惠綏人物降愛

膳盈豆區

當所親上堂相娛樂中外奉時珍五

嘉宴

樂飲

濟王

味風雨集杯酌若浮雲

下詳饗一

從事華林園詩脩罽灑鱗大庖妙饌物以時序情以化
宣終溫且克有肅初筵嘉賓在茲千祿永年傳休奕
宴會詩日之既逝情亦既渥賓委餘
歡主客不足樂飲今夕溫其如玉
協典禮 觀威

儀

見國語詳饗燕
並詳饗一

親賓客

燕朋友

並詳
饗一

籩豆踐

尊俎陳

毛詩醕酒有行籩豆有踐 張華詩聽
朝有暇延命羣臣冠蓋雲集尊俎星陳

饗燕三

原天子當陽

左傳甯武子曰昔諸侯朝正于王王燕樂
之于是乎賦湛露則天子當陽諸侯用命

也餘詳

公尸燕飲

大雅爾酒既清爾殽既馨公尸燕
飲福祿來成毛傳言成王清酒馨

殺以與公尸
燕飲而樂也

象武

左傳王使周公閱來聘享有昌歆
白黑彤鹽辭曰國君文足昭也武

可畏也則有脩物之享以象其德薦五味羞嘉穀鹽虎形以獻其功吾何以堪之杜注嘉穀熬稻黍也以象其

文也鹽虎形以象虎武也

飽德

大雅既醉以酒既飽以德毛傳既者盡其禮終其事鄭箋禮謂旅酬

之屬事謂施惠先後及歸俎之類

胥樂

魯頌振振鷺鷺于下鼓咽咽醉言舞于胥樂兮毛傳振振

羣飛貌鷺白鳥以興潔白之士咽咽鼓節也

燕喜

小雅吉甫燕喜既多受祉傳曰祉福也鄭箋吉

甫既伐獫狁而歸天子以燕禮樂之則歡喜矣又多受賞賜也

明君臣

禮射義篇古者諸侯之射

也必先行燕禮所以明君臣之義也謹按燕禮者體解折節升之于俎示慈惠也

設賓王

義燕

設賓主飲酒之禮也鄭注設賓主者飲酒致歡也

仁賓客

禮仲尼燕居篇射鄉之禮所以仁鄉

黨也食享之禮所以仁賓客也鄭注仁猶存也凡存此者所以全善之道也射鄉食享存生之善者也

明貴賤

禮燕義席小卿次上卿大夫次小卿士庶子以次就位于下所以明貴賤也

燕羣

后

王濟從事華林詩鬱鬱華林奕奕疏園燕彼羣后秩秩有序

會羣后

晉起居注太康元年

五月吳平御臨軒大會羣臣于殿前

饗大陵

歸藏云昔夏后享神于大陵

會上池

竹書紀年后發即位諸夷賓于王門再保墉會于上池諸夷入舞

飲漂水

穆天子傳天子飲于

漂水之上宮人膳鹿獻之天子美之郭璞注漂水今濟陰縣漂音沓

觴雷首

又曰犬戎觴天子于

雷首之阿乃獻食馬四匹天子使孔牙受之

飲溫山

又曰丁未天子飲于溫山

飲溲

水

已酉飲于溲水之上乃發憲令詔六師之人

饗楚丘

左傳宋公享晉侯于楚丘請以桑林

荀瑩辭荀偃士句曰諸侯宋魯于是觀禮魯有禘樂賓祭用之宋以桑林享君不亦可乎杜預注曰桑林殷天

子樂

饗新臺

又曰楚子享公享于新臺好

宰夫為

主禮記諸侯燕禮之義使宰夫為獻主臣莫敢與君亢禮也

大夫為賓

又曰不以公卿為賓

而以大夫為賓為疑也鄭注云疑自下上至之辭也疏公卿尊矣復以為賓則尊與君大相近

敎維

魚鼈

毛詩其敎維何魚鼈鮮魚其敎維何維筍及蒲鄭箋魚鼈以火熟之也鮮魚中膾者也筍竹萌也蒲

深蒲也

饗尚服脩

禮郊特牲諸侯為賓灌用爵壺灌用

饗諸侯也謹按搏肉為脯服脩乾脯也不享味也

既有肥羜

小雅伐木篇既有肥羜以速諸

父毛傳羜未成羊也天子謂同姓諸侯諸侯謂同姓大夫皆曰父異姓則稱舅謹按速召也王有酒有羜召族

人而燕飲也

曰殺羔羊

又七月篇九月肅霜十月滌場朋酒斯享曰殺羔羊毛傳云兩尊曰

朋享者鄉人以狗大夫加以羔羊鄭箋十月民事男女俱畢無飢寒之憂國君間於政事而享羣臣

清

酒百壺

又韓奕篇韓侯出祖出宿于屠顯父餞之清酒百壺鄭箋祖將去而祀軼也既覲而反國必祖

者尊其所往去則如始行焉顯

陳饋八簋

又伐木篇於粢洒埽

陳饋八簋毛傳粢鮮明貌圓曰簋天子八簋

酒清不飲

禮聘義聘射之禮至大禮也質明而

始行事日祭中而後禮成非强有力者弗能行也故强有力者將以行禮也酒清人渴而不敢飲肉乾人飢而不敢食日暮人倦齋莊正齊而不敢懈情以成禮節

爵盈不飲

左傳遂啟疆曰聖王務行禮不

求恥人朝聘有圭享頻有璋小有述職大有廵功設几而不倚爵盈而不飲宴有好貨殮有陪鼎入有郊勞出有贈賄禮之至也

上公九獻

周禮大行人上公之禮享九獻侯伯之禮享七獻子男之禮享

五獻鄭注享設
盛禮以飲賓也

賓主百拜

禮樂記篇先王因為酒禮
一獻之禮賓主百拜終日

飲酒而不得醉焉此先王之所以備酒禍
也鄭注一獻士飲酒之禮也百以喻多也

或獻或酢

毛詩或獻或酢洗爵奠斚毛傳斚爵也夏曰醎殷曰斚
周曰爵鄭箋進酒于客曰獻客答之曰酢主人又洗爵

酬客客受而奠之不舉
也用殷爵者尊兄弟也

既醉既飽

楚茨篇既醉既飽
小大稽首神嗜飲

食使君壽考鄭箋小大猶長幼同姓之臣燕已醉飽皆
再拜稽首曰神乃歆嗜君子飲食使君壽且考此其慶

辭

獻之酢之

瓠葉篇有兔斯首炮之燔之君子有酒
酌言獻之有兔斯首燔之炙之君子有

酒酌言酢之毛傳去毛曰魚加火
曰燔獻奏也炕火曰炙酢報也

鼓我舞我

伐木篇
坎坎鼓

我蹲蹲舞我有酒湑我無酒酤我毛傳湑
之也酤一宿酒也鄭箋此族人陳王之恩也

甘泉饗

客

漢書武帝天漢元年春正月行幸甘泉之宮饗外國來之賓客

未央置酒

又昭帝紀元鳳

二年夏四月上自建章宮徙未央宮大置酒賜郎從官帛及宗室子錢人二十萬吏民獻羊酒者賜帛人一匹

夏啟鈞臺

左傳椒舉言于楚子曰臣聞諸侯無歸禮以為歸今君始得諸侯其慎禮矣伯之濟

否在此會也夏啟有鈞臺之享商湯有景亳之命周武有孟津之誓成有岐陽之蒐康有鄴宮之朝穆有塗山之會齊桓有召陵之師晉文有踐土之盟君其何用

漢武建章

漢武帝天漢四年夏五月還幸

建章宮大置酒

簫管備舉

周頌既脩乃奏簫管脩舉鄭箋既脩者懸也乃奏者謂樂作也

絲竹駢羅

潘岳閒居賦席長筵列孫子柳垂陰車結軌陸摘紫房水掛頽鯉或宴于林或楔于泥昆

弟班白兒童稚齒稱萬壽以獻觴咸一懼而一喜壽觴舉慈顏和浮盃樂飲絲竹駢羅頓足起舞抗音高歌人

生安樂孰

鼓瑟鼓簧

毛詩既見君子並坐鼓瑟既見

知其他

閒暇相與燕飲

侑幣酬幣

聘禮君不親食使大夫各

以為和樂也

致饗以酌幣亦如之注君不親食謂有他故也必致之

不廢其禮也

致之必使同班敵者易以相親敬也酌幣

饗禮酌賓勸

自御塤簋

東觀漢記明帝宴

儗爾簋

酒之幣也

豆

小雅棠棣篇儗爾簋豆飲酒之飫毛

君子宴樂

需

卦象曰雲上天需君子以飲食燕樂王弼

天子飲

注童蒙已發盛德光亨飲食燕樂其在茲乎

酌

禮月令孟夏之月天子飲酌用禮樂鄭注酌之言醇

也謂重釀之酒也春酒至此始成與羣臣以禮樂飲

之于朝正

置酒張樂

司馬相如上林賦置酒顯

飛

尊卑也

天之臺張樂膠葛之寓

觥舉白

左思吳都賦里燕
巷飲飛觥舉白

稱彼兕觥

毛詩躋彼公堂
稱彼兕觥萬壽

無疆毛傳公堂學校也
觥所以示衆也疆竟也

酌彼兕觥

又云我姑酌彼兕
觥維以不永傷毛

傳兕觥角爵也傷思也鄭箋此章為意不盡申殷勤也

觥罰爵也饗燕所以有之者禮自立司正之後旅酌必

有醉而失禮者罰

言言油油

禮王藻君子之飲酒也
受一爵而色洒如也二

之亦所以為樂

爵而言言斯禮矣三爵而油油以退鄭注

反反抑抑

洒如肅敬貌言言和敬貌油油悅敬貌

反反抑抑

小雅賓之初筵篇其未醉止威儀反反其未醉

式燕

止威儀抑抑毛傳反反言慎重也抑抑慎重也

以行

嘉魚篇君子有酒嘉賓式燕以行
又嘉賓式燕以樂毛傳衍樂也

和樂且湛

又

兄弟既翕和樂且

民之質矣

又天保篇民之質矣日
用飲食毛傳質成也鄭

湛毛傳翕如也

箋成平也民事平以禮飲食相燕樂而已

燕笑語分

又云燕笑語分是以有譽處兮鄭箋天子

與之宴而笑語則遠國之君各得其所稱揚美德也

奉酒為壽

史記王太后在民間時所生子

女者父為金王孫武帝已立韓王孫名媽乘間白言太后有女在長陵也武帝乃自往迎取之女亡匿床下扶持出門令拜謁帝曰大姊何藏之深也詔副車載之謁太后武帝奉酒前為壽奉錢千萬奴婢三百人公田百頃甲第以賜姊

千金為壽

漢書時王夫人方幸于上甯乘說青曰今王夫人幸而宗族未富貴

願將軍奉所賜千金為王夫人親壽青以五百金為壽上聞問青以實對上乃拜甯乘為東海郡都尉

周王在鎬

魚藻篇王在在鎬宣樂飲酒鄭箋宣亦樂也天下平安萬物得其性武王何所處乎處于

鎬京樂八音之樂與羣臣相飲酒而已

漢祖歸沛

詳饗一

不醉無歸

詩湛

露篇厭厭夜飲不醉無歸毛傳厭厭安也夜飲私宴也
宗子將有事則族人皆侍不醉而出是不親也醉而不
出是深
宗也

式宴且喜

又云雖無好友式燕且喜

曲燕城隅

見曹植贈丁廙

詩

思樂華殿

陸機祖會太極東堂詩思樂華殿祇承聖顏

四座具醉

又云

四座具醉
我后臨之

百人高會

世說考武在西堂會伏滔預坐還下車呼其兒語之曰百人高

會臨座未得他語先問伏滔何存在此
不此故未易得為人作父如此何如

幣帛將意

鹿鳴

序既飲食之又寔幣帛筐篚以將其

筐篚奉行

小雅鹿鳴

厚意然後忠臣嘉賓得盡其心矣

篇我有嘉賓鼓瑟吹笙鼓笙鼓簧承筐是將注承奉
也筐篚屬酬酒以後則有幣帛承筐篚而奉行也

賓入奏肆夏

郊特牲賓入大門而奏肆夏示易以敬也鄭注賓朝聘者易和說也

客出

奏祓夏

周禮鐘師凡樂事以鐘鼓奏九夏鄭注夏大也樂之大歌有九杜子春云祓讀為陟客醉而出

奏陟夏也

三夏享元侯

左傳穆叔如晉晉侯享之金奏肆夏之三不拜工歌文王之三又不

拜歌鹿鳴之三三拜韓獻子使行人子員問之曰子以君命辱於敝邑先君之禮藉之以樂以辱吾子吾子舍

其大而重拜其細敢問何禮也對曰三夏天子所以享元侯也使臣不敢與聞文王兩君相見之樂也臣不敢

及鹿鳴君所以嘉寡君也敢不拜嘉四牡君所以勞使臣也敢不重拜皇皇者華君教使臣曰必諮于周臣聞

之訪問於善為諮諮親為詢諮禮為度諮事為諏諮難為謀臣獲五善敢不重拜杜注元侯牧伯也四

牡勞使臣

見

訓恭儉示慈惠

左傳晉卻至如楚聘且蒞盟楚子享之卻至曰

諸侯間于天子之事則相朝也于是有饗燕之禮饗以訓恭儉燕以示慈惠恭儉以行禮而慈惠以布政政以

禮成民是以息百官承事朝而不
夕此公侯之所以扞城其民也
陳薦俎序禮樂

仲禮

尼燕居篇陳其薦俎序其禮樂脩
其百官如此而後君子知仁焉

公當饗卿當燕

左傳

晉侯使士會平王室定王饗之原襄公相禮敬烝武子
私問其故王聞之召武子曰季氏而弗聞乎王饗有體
薦燕有折俎公當享
卿當燕王室之禮也
則體解節折升之于
俎皆可食之物也

饗燕四

饗體薦燕折俎

左傳杜注享則
半體而薦之燕

原昭德

左傳仲尼曰夫
享所以昭德也

序賢

周禮合宴
以賢序賓

折俎

左傳
宋人

享趙文子司馬置折俎禮也
注合卿當宴之禮故曰禮也

加簋

楚子入饗于鄭九
獻庭實旅百加籩

六品注楚子為鄭所享用上公之禮
九獻而禮畢庭中所陳物品凡百也

示禮

所以示諸侯禮也

合歡

酒所以合歡

好用

周禮九式九曰好用之式注宴好所賜用

嘉樂

左傳

齊侯將享魯公孔子曰犧象不出門
嘉樂不野合君苟無禮雖美不食

禮容

論語享禮有容色

禮食

左傳晉侯以魏絳為能以刑佐民反後與之禮
食使佐新軍注羣臣旅會今欲異絳故特為設

具禮

作詩

周語周詩有之曰天之所支不可壞也其
所壞亦不可支也昔武王克殷而作此詩

也以為飲名之曰支
以貽後之人使永監焉

荅賦

左傳宋華定來聘公享
之為賦蓼蕭不知又

荅賦昭子曰必亡宴語之不
懷寵光之不宣將何以在

具百物

周禮掌客王合
諸侯而享禮則

具十有二牢
庶具百物備

用祭器

禮表記孔子曰敬則用祭器注
祭器簋鉶之屬有好事于賓客

則用之謂
享食也

辭上享

左傳齊侯使管夷吾平戎于王王
以上卿之禮享管仲管仲辭曰臣

賤有司也有天子之二守臣
國高在受下卿之禮而還

徹加豆

季孫宿如晉晉
侯享之有加藁

武子曰得貺不過三獻今豆有加下臣弗堪無
乃戾也固請徹加然後卒事晉人以為知禮

加宴

好介葛盧來朝
禮之加宴好

助歡敬

號公晉侯朝王王享醴命之
有注先行享禮次行燕飲也

侑助也燕則命幣
物所以助歡敬也

束帛儷皮

主人酬賓
束帛儷皮

飫賜加膳

傳曰將賞為之加
膳加膳則飫賜也

趙孟為客

宋人兼享晉楚之大夫
趙孟為客注客一坐所

尊

晉侯命侑

晉侯獻楚俘于王王享醴命晉
侯侑注命以幣帛助晉侯歡也

地室

而懸

晉郤至如楚聘且涖盟楚
子享之為地室而懸焉

新井而柴

管子桓公
與管仲飲

酒掘新井而柴焉十日齋戒召仲至公執爵夫人執尊觴三行管仲趨出注柴以蓋新井示其潔敬也

食饗之禮

禮記食饗之禮非致味也注言務行禮

幣帛之式

周禮太宰以九式均

節財用六曰幣帛之式謂用財之節度也幣帛所贈勞賓客也

成而加敏

齊國莊子來聘自郊

勞至于贈賄禮成而加以敏

樂且有儀

異姓為賓

記曰燕毛序齒則異

姓為賓注同姓無相賓之道

君子維宴

堯酒千鍾

孔叢子

臣

宴三爵

左傳臣侍君宴過三爵非禮也

肅穆之容

皇情歡洽

嘉好之事

左傳於焉嘉客

詩所謂伊人於焉嘉客

莫不令儀

詩

將以講

事

國語夫王公諸侯之有飫將以講事成章建大德昭大物立成禮烝而已注立成不坐

不能

相儀

左傳公如楚孟僖子相不能相儀及楚不能答郭勞

長弘不沒

宴以合好歲既不倦

時燕不淫長弘其不沒乎

孫子必亡

衛孫文子來聘公登亦登叔孫穆子曰諸侯之會寡君未

嘗後衛君今吾子不後寡君寡君未知所過孫子無辭亦無悛容穆子曰孫子必亡為臣而君過而不悛亡之

本也金罍 玉饌 從遊 侍飲 初筵 終宴 合

尊 促席 是崇嘉事 合慎令儀 加貺得貺 為

歡則歡 重其好貨 飫以顯物

示物脩也

列有楚之蕩

命承筐之貺 陳既臧之穀 酌成禮之酒 備施

氏之禮 加晉侯之蕩 命示慈之宴 加有踐之蕩

資飲食以合歡 用歌舞而飾喜 賓宜敬于升階

禮且同于委巷 周文有在鎬之樂 漢武有濟汾

之歌 享以禮成是敦恭儉 賓由賢序必慎威儀

饋乾示禮將省以威儀 體薦訓恭不專於醉飽 行

出門之恭拜迎而入 展至階之敬揖讓而升 周穆

舉觴為瑤池之宴 宴西王母 漢高擊筑為沛人之歌 大風歌也

增一獻

左傳昭元年趙孟叔孫豹曹大夫入于鄭鄭伯兼享之子皮戒趙孟禮終趙孟賦瓠葉于

皮遂戒穆叔且告之穆叔曰趙孟欲一獻子其從之及享具五獻之薦豆于幕下趙孟辭私于子產曰武請于

冢宰矣乃用一獻

九獻

見前楚子入享

投壺

左傳昭十二年晉侯以齊侯宴中行穆子

相投壺晉侯先穆子曰有酒如淮有肉如坻寡君中此為諸侯師中之齊侯舉矢曰有酒如澠有肉如陵寡人

中此與君代興

舞劍

史記沛公來見項王至鴻門謝因留沛公與飲項莊拔劍起舞項伯亦拔劍起

舞常以身翼蔽沛公

酒聖

張說天文懸瑞色酒聖泛華巵

醉侯

皮日休它年謁帝言何事

請贈劉伶作醉侯

堯尊

禹膳

湯鼎

舜壺

俱見玉海

穆姜

出房

左傳成九年季文子如宋致女復命公享之賦韓奕之五章穆姜出于房再拜曰大夫勤辱不忘先

君以及嗣君施及未亡人先君猶有望也敢拜大夫之重勤又賦綠衣之卒章而入

杜蕢入寢

禮檀弓知悼子卒未葬平公飲酒師曠李調侍鼓鐘杜蕢自外來聞鐘聲曰安在曰在寢杜蕢入寢歷而升酌

曰曠飲斯又酌曰調飲斯又酌堂上北面坐飲之降趨
而出平公呼而進之曰爾飲曠何也曰子卯不樂知悼
子在堂斯其為子卯也大矣曠也太師也不以詔是以
飲之也爾飲調何也曰調也君之棄臣也為一飲一食
忘君之疾是以飲之也爾飲何也曰賁也宰夫也非刀
匕是供又敢與知防是以飲之也平公曰寡人亦有過
焉酌而飲寡人杜蕢洗而揚解公謂侍者曰如我死
則必毋廢斯爵也至於今既畢獻斯揚解謂之杜舉
錫宴嘉雨宋太祖大宴雨暴作上不悅趙普奏曰外面
百姓正望雨官家大宴何妨只損得些陳設

濕得些樂官衣裳但令雨中作雜劇更可笑上
大喜宣令雨中作樂又宣勸滿飲盡歡而罷

置酒

歌風

大風歌也

夫人執爵

詳上新井而榮注

貴妃齋罷

裴寂傳麟州刺史

史韋雲起告裴寂反按訊無狀帝謂寂曰朕有天下卿
推轂成之也容有貳哉所以訊吏者欲天下信公不反

耳詔三貴妃齋玉
食寶器宴其家

宴長樂宮

叔孫通傳漢七年長樂宮成諸侯王以下至吏

六百石以次奉賀置法酒諸侍坐殿上皆伏抑首以次
起上壽觴九行謁者言罷酒無敢喧譁失禮者于是高
帝曰吾乃今日知
為皇帝之貴也

宴同明殿

唐齊澣傳中宗在廬陵齊澣上言請抑諸武迎

太子東宮不報及太子還武后召澣宴同
明殿諭曰使朕母子如初卿亦預有力焉

學士得從

唐制凡天子饗會遊豫唯宰相學士得從
時李適為學士夏宴葡萄園得賜朱櫻

風憲不往

唐李栖筠傳故事賜百官宴曲江教坊倡顓
雜侍栖筠以任國風憲獨不往臺遂以為法

優人入

戲范蜀公東齋遺事宋仁宗朝與侍臣賞花釣魚宴賦
詩天聖中永興軍進山水石上因命賦山水石頭出

於不意詩多荒惡者中坐優人入戲各執紙筆若吟咏
狀一人忽仆于石上曰數日來作賞花釣魚詩準備應

制却被這石頭擦倒明日降出詩

中使附語

金坡遺事宋寇

萊公在中書多召兩制就第飲宴必閉闕苛留之李宗諤不勝酒嘗從門扉下出得馬而走後諤為脩宮使恩顧漸深一日召至玉宸殿賜酒宗諤堅辭以醉且云日暮上令中使附耳語云此中不須從門扉下出

朱虛軍法

史記諸呂用事朱虛侯章入侍高后燕飲令章為酒吏章曰臣將種也請以軍法行酒酒

酣諸呂一人醉亡酒章追拔劍斬之而還報曰有亡酒一人謹行法斬之

凝碧黨論

宋史葉衡

傳上曲宴宰執於凝碧上言朝廷所用止論其人如何不可有黨如唐牛李之黨相攻四十年緣主聽不明致此

六品下坐

宋璟有大節嘗宴朝堂二張列卿三品璟階六品居下坐易之諂事璟虛位揖

之曰公第一人何下坐璟曰才劣品卑卿謂第一何耶是時朝廷以易之等內寵不名其官呼易之五郎昌宗

六郎鄭善果曰公柰何謂五郎為卿璟曰
以官正當為卿君非其家奴何郎之云

元日大饗

盧鈞守太子太師帝元日大饗含元殿鈞

擁盾習刺

年八十升降如儀音吐洪暢舉朝咨歎

劉瑑進宣武節度使時大享雜進倡舞瑑取

杜門讀

壯士千人被鎧擁矛盾習擊刺與吏士臨觀

書

晏殊當朝廷春宴杜門讀書特命為東宮官

期喪弗預

王方慶嘗以期及大功喪未畢

弗預
享宴

食餌不情

王安石知制誥一日賞花釣魚宴內侍各以金樸盛釣餌置几上安石食

之盡明日上謂宰輔曰安石詐人也誤食復盡之非情也

五嶽為豆

四溟為杯

看駟連鑣

酒駕方軒

千鍾電醕

萬燧星繁

天開黼幄

日麗繒峰

冠蓋雲集

尊俎星陳

需

雲上覆 湛露下滋 陰陽為庖 造化為宰 殮元

氣 酌太和 葆侑陳階 金匏在席 戚奏翹舞

籥動邠詩 五筵之堂 九几之室 大小定位 左

右有秩 饗有嘉樂 宴有庭實 翠鳳棲梧 丹魚

在藻 豈樂飲酒 觀頤養正 豐殷萬俎 旨酒千

鍾 皇慈霧洽 聖渥天浮 台鼎資庖 天星奉酒

含和吐氣 蹈德詠仁 率禮無失 降福孔皆

以上

俱見
玉海

饗燕五

原詩古詩曰今日良宴會歡樂難具陳彈箏奮逸響新
聲妙入神齊心同所願含意俱未申人生寄一世奄忽
如飄塵何不策高足先據要路津無為守窮賤輶輶長
苦辛 魏文帝於講堂作詩曰今日樂相樂酣飲不知
醉悲箏激新聲長笛吐清氣 又於譙作詩曰清夜延
貴客明燭發高光豐膳漫星陳旨酒盈玉觴絃歌奏新
曲遊響拂丹梁餘音赴迅節慷慨時激揚獻酬紛交錯

雅舞何鏘鏘羅纓從風飛長劒自低昂 魏曹植公宴

詩曰公子敬愛客終宴不知疲清夜遊西園飛蓋相追
隨明月澄清景列宿正參差秋蘭被長坂朱華冒綠池
潛魚躍清波好鳥鳴高枝神飈接丹轂輕輦隨風移

又侍太子坐詩曰白日曜青春時雨靜飛塵寒氷辟炎
景涼風飄我身清醴盈金觴肴饌縱橫陳齊人進奇樂
歌者出西秦翩翩我公子機巧忽若神 又與丁翼詩

曰嘉賓填城闕豐膳出中厨吾與二三子曲宴此城隅

秦箏發西氣趙瑟揚東謳有來不虛歸觴至反無餘

魏應瑒公宴詩曰巍巍主人德嘉會被四方開館延羣
士置酒于斯堂辯論釋鬱結援筆興文章穆穆衆君子
好合同歡康促坐褰重帷傳滿騰羽觴 魏劉楨公宴

詩曰永日行遊戲歡樂猶未央遺思在玄夜相與復翱翔
輦車飛素蓋從者盈路傍月出照園中珍樹鬱蒼蒼
清川過石渠流波為魚防芙蓉散其花菡萏溢金塘珍
鳥宿水裔仁獸游飛梁投翰長歎息綺麗不可忘 魏

王粲公宴詩曰昊天降豐澤百卉挺歲蕤涼風徹蒸暑

清雲却炎暉高會君子堂並坐蔭華棖嘉肴充圓方旨
酒盈金壘常聞詩人語不醉且無歸願我賢主人與天
享巍巍克符周公業奕世不可追 魏陳琳公宴詩曰

凱風飄陰雲白日揚素暉良友招我遊高會宴中闌玄
鶴浮清泉綺樹煥青蕤 晉荀勗從武帝華林園宴詩

曰習習春陽帝出乎震天施地生以應仲春思文聖皇
順時秉仁欽若靈則飲御嘉賓洪恩普暢慶及羣臣

其慶維何錫以帝祉肆覲羣后有客戾止外納要荒內
延卿士簫管詠德八音咸理凱樂飲酒莫不宴喜 晉
陸機擬今日良宴會詩曰閒夜命歡友置酒迎風館齊
童梁甫吟秦娥張女彈哀音繞棟宇遺響入雲漢人生
能幾何為樂良苦晏譬彼司晨鳥揚聲當及旦 又皇
太子賜宴詩曰明明隆晉茂德有赫思媚上帝配天光
宅誕育皇儲儀形在昔徽言時宣福祿來格勞謙降貴
肆敬下臣聲彼先驅翻成嘉賓 又侍皇太子宣猷堂

詩曰三正迭紹洪聖啓運自昔哲王先天而順羣辟崇
替降及近古黃暉既渝素靈永祐三后始基世武丕承
協風傍駭天晷仰澄自彼河汾奄齊七政時文惟晉世
篤其聖篤生我后克明克秀體暉重光承規景數茂德
淵深天資玉裕 晉王讚侍皇太子宴始平王詩曰疊
疊聖胤繼明重體樂此棠棣其甘如薺我有嘉賓以洽
百禮煌煌同族藹藹王僚惟中惟外如瓊如瑤湛湛朝
雲德靡不覆玄黃所綴文成綵綉政以神和樂以安奏

一人有慶萬邦是祐 又侍皇太子餞楚淮南二王詩

曰於明聖晉仰統天緒易以明險簡以知阻研彼羣慮
俾侯授土郁郁二王祇承皇命睹離鑒親觀禮知盛皇
儲降會延于公姓瞻彼行役並憇同林分塗殊軌靡不
回心 晉陸雲侍大將軍宴詩曰茫茫宇宙天地交泰
王在華堂式宴嘉會玄暉峻朗翠雲崇靄卉冕振纓藻
服垂帶 祁祁臣僚有來雍雍薄言載考承顏下風俯
覲前客仰瞻玉容天錫難老如岳之崇 宋鮑照侍宴

覆舟山應詔詩曰繁霜飛玉闥愛景麗皇州清蹕戒馳

路羽蓋竚宣遊神居既崇盛巖險信環周禮俗陶德聲

昌會溢民謳 梁王僧孺侍宴景陽樓詩曰金鋪鏤可

鏡桂棟儼臨雲霑觴均飲德服道驗朝聞詎論禹無間

非恥堯為君小臣亦何者短翮屢追羣 又侍宴詩曰

麗景屬春餘清陰澄夏首交枝隱脩徑回流影遙阜徙

帷輾輕筠移鑾拂高柳去矣勞茂績勉哉服嘉誘小臣

良不材消塵愧所守何用勝雕斲譬木良如朽 又侍

宴詩曰回輿避暑宮下輦迎風館散漫輕煙轉霏微商
雲散蔓草亘巖垂高枝起天半回風稍驚水落光漸斜
岸妙舞駐行雲清歌入曾漢睟顏暢有懌德音良已粲
梁庾肩吾侍宴詩曰沐道逢將聖飛觴屬上賢仁風
開美景瑞氣動飛煙秋樹翻黃葉寒池墮黑蓮承恩謝
命淺念報在身前 又侍宴詩曰副君時暇豫曾城聊
近游清池寫飛閣踈樹出龍樓北陸水方壯西園春欲
周梅心芳屢動蒲節促難抽徒然欣並命無以廁應劉

又宣猷堂侍湘東王宴詩曰陳王驂駕及副后西園
遊並命登飛閣列坐對芳洲桂巖逢暮序菊水值窮秋
竹徑簫聲發桐門琴曲愁徒奉文成誦空知思若抽

又侍宴宣猷堂應令詩曰副君德將聖陳王才挾天歸
來宴平樂置酒對林泉爐香雜山氣殿影入池漣艷舞
時移節新歌屢上絃聽曲慚回顧思經徒欲眠 梁劉
孝綽侍宴詩曰清宴延多士鴻漸濫微薄臨茲出蕙樓
望辰躋茵閣上征切雲漢遠眺周京洛城寺鬱參差街

衢空漠漠禁林寒氣晚方秋未搖落皇心重發志賦詩
追並作自昔承天寵於茲被人爵選言非綺綃何以儷
金鴈 又侍宴詩曰茲堂乃峭嶠伏檻臨曲池樹中望
流水竹裏見攢枝欄高景難蔽岫隱雲易垂邂逅逢休
幸朱蹕曳青規丘山不可答葵藿空自知 又侍宴集

賢堂應令詩曰北閣時見啟西園又已闢宮屬引鴻鸞
朝行命金碧伊臣獨何取隆恩徒自昔布武登玉墀委
坐陪瑤席綢繆參宴笑淹留奉觴驛壺人告漏晚煙霞

起將夕反景入池林餘光映泉石 又陪徐僕射晚宴

於兒宅詩曰夫君追宴憇十日遞來過築室華池上開
軒臨芰荷方塘交密篠對雷接繁柯景移林改色風去
水餘波洛城雖半掩愛客待驪歌 又擬劉楨應令詩

曰副君西園宴陳王謁帝歸列位華池側文雅縱橫飛
小臣輕蟬翼僣勉謬相追置酒陪朝日淹留望夕霏

梁江淹擬魏帝遊宴詩曰置酒坐飛閣逍遙臨華池神
飈自遠至左右芙蓉披綠竹夾清水秋蘭被幽崖月出

照園中冠佩相追隨肅肅廣殿陰雀聲愁北林衆賓還

城邑何用慰我心北齊魏收月下秋宴詩曰此夕具

言宴月照露方塗使星疑向蜀劍氣不關吳良交契金

石上客慰萱蘇何必應劉輩還來遊鄴都北齊楊訓

羣公高宴詩曰中郎敷奏罷司隸坐朝歸開筵引貴客

饌玉對春暉塵起金吾騎香逐令君衣綠酒犀為椀鳴

琴寶作微寸陰良可惜千金本易揮陳後主晚宴文

思殿詩曰晚日落餘暉宵園翠蓋飛荷影浸池浪雲色

入山扉螢光息復起暗鳥去翻歸樂極未言醉杯深猶恨稀 又宴詹事陸繕省詩曰禁闥九重中宴賞三春

日雲收山樹隱葉長宮槐密水綠已浮苔花舒正含實 又入隋侍宴應詔詩曰日月光天德山河壯帝居太平無以報願上東封書 陳徐陵侍宴詩曰園林才有

熱夏淺更勝春嫩竹猶含粉初荷未聚塵承恩豫下席應阮獨何人 陳江總賦得置酒殿上詩曰三清傳旨酒柏梁奉歡宴霜雲動玉葉凍水疎金箭羽籥響鐘石

流泉灌金殿盛時不再得光景馳如電 入隋秋日侍

宴婁苑湖應詔詩曰翠渚還鑾輅瑤池命羽觴千門響

雲蹕四澤動榮光玉軸昆池浪金卮太液張紅旗照島

嶼鳳蓋繞林塘野靜重陰濶淮秋水氣涼霧閣樓闕近

日迥煙波長洛宴諒斯在鎬飲詎能方朽劣叨榮遇簪

笏奉周行 隋沈君道侍皇太子宴應令詩曰副君監

撫暇禁苑暫停車水落金沙淺雲高玉葉疎隨廚白羽

駕逐釣紫鱗魚飽德良無已榮陪終宴餘 隋劉端和

初春宴東堂應令詩曰睿賞叶春芳開筵臨畫堂庭梅
颺早素簷柳變初黃八珍羅玉俎九醞湛金觴等響流
飛閣歌塵落妓行何必西園夜空承月光 唐太宗

春日玄武門宴羣臣詩曰韶光開令序淑氣動芳年駐
輦華林側高宴柏梁前紫庭文樹滿丹墀袞紱連九夷
造瑤席五狄列瓊筵娛賓歌湛露廣樂奏鈞天盈尊浮
綠醕雅曲韻朱絃粵余君萬國還慙總八埏庶幾保貞
固虛已厲求賢 又置酒坐飛閣詩曰高軒臨碧渚飛

簷迥架空餘花攢漏檻殘柳散雕櫳岸菊初含藥園梨
始帶紅莫慮崑山暗還共盡杯中 又冬宵各為四韻

曰雕宮靜龍漏綺閣宴公侯珠簾燭燄動繡柱月光浮
塵起將歌發風停與管迥瓊池任多士端宸更何憂

虞世南侍宴賦韻得前應詔詩曰芬芳禁林晚容與桂
舟前橫空一鳥度照水百花燃綠野明斜日青山淡晚
煙濫陪終宴賞握管類窺天 張九齡和聖製南郊禮

畢酺宴詩曰妙舞來平樂新聲出建章幸奏承雲樂同

晞湛露陽 杜正倫侍宴北門詩曰大君端宸暇睿賞

恆林泉開軒臨禁籞藉野列芳筵參差歌管颺容裔羽
旗懸玉池流若醴雲閣聚飛煙湛露晞堯日熏風入舜
絃大德侔元造微物荷陶甄謬陪瑤水宴仍廁柏梁篇
闕名徒上月鄒辯詎談天既喜光華旦還傷遲暮年猶
冀升中日簪裾奉肅然 薛曜正夜侍宴應詔詩曰重
闕鐘漏通夕敞鳳皇宮雙闕祥煙裏千門明月中酒筵
浮湛露歌曲唱流風侍臣咸醉止恒慙恩遇崇 魏元

忠侍宴銀潢宮應制詩曰別殿秋雲上離宮夏景移寒
風生玉樹涼氣下瑤池塹花仍吐葉宮木尚抽枝願奉
南山壽千秋長若斯 杜審言蓬萊三殿侍宴奉敕詠
終南山詩曰北斗挂城邊南山倚殿前雲標金闕迥樹
杪玉堂懸半嶺通佳氣中峯繞瑞煙小臣持獻壽長此
戴堯天 蘇瓌興慶池侍宴應制詩曰金闕平明宿霧
收瑤池式宴俯清流瑞鳳飛來隨帝輦祥魚出戲躍王
舟帷齊綠樹當筵密蓋轉緗荷接岸浮如臨竊比微臣

懼若濟叨陪聖主遊

劉憲奉和春幸望春宮詩曰暮

春春色霰便妍苑裏花開列御筵商山積翠臨城起滌
水浮光共幕連鶯藏嫩葉歌相喚蝶碍芳叢舞不前歡
娛節物今如此願奉宸遊億萬年 馬懷素興慶池侍
宴應制詩曰積水逶迤遶貝城含虛皎鏡有餘清圖雲
曲榭連綈幕映日中塘勝綵旌賞洽猶聞簫管沸歡留
更睹木蘭輕無勞海上尋仙客即有蓬萊在帝京

原賦魏曹植娛賓賦曰遂衍賓而高會丹帷煜以四張

辦中廚之豐膳兮作齊鄭之妍倡文人騁其妙說兮飛
輕翰而成章談在昔之清風總賢聖之紀綱欣公子之
高義兮德芬芳其若蘭揚仁恩於白屋兮踰周公之棄
餐聽仁風而忘憂兮美酒清而殺甘 晉王沈宴嘉賓
賦曰朝陽曜景天氣和平君臣合德禮儀孔明酌羽觴
以交歡兮接恭敬以申誠嘉膳備其八珍兮絲竹獻其
妙聲樂周徧舞金奏克諧鍾儀之聽南風是哀義感君
子慨然永懷思我王度求福不回惟禮終而贊退兮實

繫心乎玉階 晉成公綏延賓賦曰延賓命客集我友

生高談清宴講道研精閭閻侃侃娛心肆情 隋薛道

衡宴喜賦曰梁孝王帝子帝孫藉寵承恩名高西漢禮

盛東蕃引雍容文雅之客坐檀欒脩竹之園水逶迤而

繞砌風清冷而入軒直凝神而回鴈乃惆悵而興言顧

謂枚乘曰予聞氣序環周人生萍浮補天立地之聖不

能止日光西落疏山奠川之力不能停河水東流韓王

酸棗之觀荒疏蕪漫楚國陽雲之臺空見塵埃固可以

縱志縱心以遊以逸窮宴樂于長夜混是非而為一于
時霜重庭蘭秋深氣寒橫長河之耿耿挂孤月之團團
乃有丹池縹碧柘館椒宮徘徊宛轉掩映玲瓏妖姬淑
媛玉貌花叢織女下而星落姮娥來而月空澄粧影于
歌扇散衣香于舞風圖雲刻雷之尊漬桂釀花之酒拭
珠瀝于羅袂傳金杯于素手 增唐劉子儀大酺賦二
月初吉春日載陽皇帝乃乘步輦出披香排飛闥歷未
央御南端之繞闕臨回望之廣場百戲備萬樂張仙車

九九而並鶩樓船兩兩而相當昭其瑞也則銀甕丹甌
象其武也則青翰餘艘聲砰磕兮非雷而震勢憑陵兮
弗葦而航舞以七盤之妍袖間以九部之清商彈箏擲
簫吹竽鼓簧有肴如阜有酒如川既醉既飽無黨無偏
增頌漢馬融廣成頌羣師疊伍伯校千重山疊常滿房
俎無空酒正按隊膳夫循行清醪車湊燔炙騎將鼓駭
舉爵鐘鳴既觴


增記柳子厚享軍堂記曰幢牙茸纛金節析羽旆旗旗

旒咸飾于下鼓以鼗鼓金以鐸鏡弁裳屬衣睢盱就列
鉶鼎體節燔魚載炙羽鱗狸互之物沈泛醢盎之齊均
飫於卒士興王之舞服夷之伎揆擊吹鼓之音飛騰幻
怪之容衆觀于遠邇

御定淵鑑類函卷一百五十六

謹案第八頁前五行遲速惟命刊本命訛君今改
第二十六頁前三行工歌鹿鳴四牡刊本牡訛牲
據儀禮改

第五十三頁前三行新聲妙入神刊本聲訛詩據
文選改



總校官庶吉士 臣 張能照

校對官庶吉士 臣 陳 墉

謄錄監生 臣 王文明